

مجموعه ابو الضحی

ما سوا شایسته شدن دل قطره به چالش
بر تو حکمت و عرفان ایله تنویر آتش

هر ماه عربی ابتدا سیله اون بشده نشر اولنور فنون مجموعه سیدر

جزء ۴۱ [فی غرة ربيع الاول سنة ۱۳۰۲] نسخه سی ۳ فروش

اربحال ایتدیکنی و متروکاتی ایچون بالذات بولغسی لازم کلدیکندن ایلک واپورله حرکتی طلب اولدیغنی کورمه سیله فوق الغایه تأسف ایدر؛ واقشام اوه کلدیکنده تجارتندن طولانی مصره کتمسه لزوم کورندیکنی وایکی کونه قدر حرکت ایدم جکنی سویله مسیله قادین زوجنک طورینی پک متلاشی و سیماسنی منموم کورمسندن « افندی! سزی بوسفر پک اندیشه لی کور بیورم؛ غالباً مصردن برفنا خبر آلدیکز . یوقسه سز مال ایچون بوقدر مکدر گورنمزسکر . بن ظن ایتشدم یا مطلقاً اوراده بولندیغکز صره لرده اولمش سکردر . شمدیده احتمال که آکا دائر برموحش خبر آلوده متأثر اولدیکز . » دیر . تاجر ایسه « حاشا بنم سندن بشقه زوجم بوقدر » دیه کوکسنی گر کره انکارده بولسور . قادین علائم ابتسامه عدم اعتماد تصویر ایدر بر صورت ویره رک بودرلو ایناتقی ایسته مز . و نهایت زوجنک قوتلی قوتلی تأمینلری اوزرینه « . پک اعلا ! مادام که بنی تأمین ایتک ایستیورسکر سندن بشقه کرک بو مملکتده و کرک مصرده زوجم وارسه هپسنی تطلیق ایلدم . دیه یمین ایتدیکه بو تأمینلریکه وجود ویرم » دنجبه تاجر زوجة مصریه نک وفاتی و یمین ایتسه باشی اغریمه جغنی بیلدیکنی جهته زوجة قدیمه نک آرزوسی وجهله افاده تطلیقیه ده بولندقد قادین برطور مظفریتله « اویله ایسه مصره عزیمت کلقتی برطرف ایدک؛ زیرا مصرده کی زوجة مطلقه کز صاغدر . او مکتوب بنم اثر صنم ایدی . تطلیق ایدر سه کز قائم پدر کزک اولدیغنی سزده آکلار سکر » دیمش و زوجیله اورتاغندن بوسورتله احذ ثار ایشدر . (اللهم احفظنا من کید النساء)

نار کیله لفظنک اصلی

معلومدر که املائی عثمانیده بولفظی کاه (نار کوله) و کاه (نار کله) رسخنده تحریر ایدنلر و (نار) ایله (کله) لفظنکدن مرکب برکله در دیه

عندی توجیه کرده بولنانلر واردر . حال بوکه بوکله نك اصلی (نارکیل) درکه
لسانمزدده (هندستان جوزی) دنیلان (جوز هندی) نامنده کی ثمر
معروفك استی در .

تبا کو شربنه مخصوص اولان آلتك صوبولندیر یله حق قسمنك اك
اول اشبو (نارکیلدن) یعنی جوز هندیدن اعمال ایدلمسی الت مذکوریه
بالاخره اسم مخصوص اولمشدر . نته کیم خطه عربیه ده و حالا هندستانده
اکثریت (نارکیله) بی شو ذکر اولنان جوزدن اعمال ایدرلر . و آره صره
مملکتزه دخی جوز مذکوردن مصنوع نارکیله لر کلدیکی واردر .

(نارکیلک) عربیسی (نارجیل) در . معلومدرکه کاف فارسی بی
حاوی کلمات تعریب اولندقدده کاف حیجه مبدل اولقی قاعده در .

بناءً علیه (نارکیل) لفظی دخی بوقاعدهیه توفیقاً (نارجیل)
صورته تحول ایتمشدر . نته کیم قاموسده وجه آتی اوزره مضبوط ومفسردر :
« [النارجیل] جوز هندی اسمیدرکه [هندستان جوزی] « تعبیر
اولنور . مفردی [نارجیله] در »

ایشته نارکیله، مفردی اعتباریله در. حتی تسبیح اعمال ایدیلان نارجیل
دخی یننه بوجوز هندیدر . بعض سیاح زینده طولاشان هند وعجم
جرارلرینك اللرنده کردیردکلری [کشکول] بونارجیلک نصفی در .

حوادث مدینه

آمریقا ممالك متحده سنده نشر اولنان اوراق حوادندن ۶۰ قطعه سی
قادینلر طرفندن اداره و تحریر اولتمقدده ایش . حتی ایکی دانه سنك مرثب
وما کنیست کی خدمات تمثیلیه سنده دخی نسوان استخدام ایدلمکده در .